

Z cyklu: felietónowé wiérztë – 12

Na wdôr Édmùnda Szëmikòwsczegò

Jesz je co do wëszëcò...
Nótë są do spiewaniò...
Czòrny wzór na pòszëkù...
Wieczné òdpòcziwanié...

A nié tak dôwno zwònił
W wëstrzódkù próbë chùru...
Narôz zazdrzòł do Lëni
Arcëwësziwôrz z górë.

- Blónë żukòwską szkòłą
Aniołë wëhaftowa.
Pùdziesz, Édmùndze, ze mną -
Mùszi to òbtaksowac!

Tómk Fópka, Chwaszczëno, 22 łżëkwiata 2022 rokù, gòdz. 7.04 p.p.